

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad  
Annum 1746

**Luxemburgi, 1752**

CXXII. De processione generali in solemnitate SSmi Corporis Christi  
tempore Apostolicæ Sedis Vacantis in Urbe peragenda. 16. Februarii.

---

[urn:nbn:de:hbz:466:1-74696](#)

Indulgientie fructum ubiorem perciperet, nec non ut Beatae Mariae Virginis Intercessione, cuius CONCEPTIONIS Festum imminebat, ferventius Urbs tota depofceret, singulis annis in Basilica Liberiana Pontificiam Cappellam, ipsa recurrente CONCEPTIONIS die, perpetuò habendam decrevit. Ut autem de Cardinali celebrante in praedicta sic instituta Cappella in futurum consuleret; Pontificis Praedecessorum suorum exemplo, qui in recurrentibus anni solemnitatibus Missas celebrandas nonnullis S. R. E. Cardinalibus, quibus vel ordinis, vel numeris ratione id congrue competere videbatur, assignarunt, a Cardinali pro tempore Burgbessani Sacelli Protectore singulis annis die Festo CONCEPTIONIS Beatae Marie Virginis, sive dicta Cappella Papalis in Liberiana Basilica, sive propter obveniens aliquod impedimentum in Palati Apostolici, vel Vaticani, vel Quirinalis, publico respectu Sacello beatur, semper, & ubique Pontificalem Missam fore concinendam, statuit: Hanc vero Sanctissimam suam voluntatem, perpetuis futuris temporibus voluntur, idem Dominus Noster sue vive vocis oraculo in Diariis redigendam, ac in forma Decreti publicandam, ubi necessitas expofcularet, ex injuncto mibi officio demandavit. In quorum omnium, & singulorum fidem presens hoc documentum proprio charactere subscriptum, solitoque sigillo munatum dedi Roma die 3. Decembbris 1742. ejusdem Sanctissimi in Christo Patris Pontificis III.

Ignatius Reali Apostolicis  
Ceremoniis Praefectus.

## CXXII.

De Processione Generali in Solemnitate Sanctissimi CORPORIS CHRISTI, tempore Apostolice Sedis vacantis, in Urbe peragenda.

BENEDICTUS EPISCOPUS,  
Servus Servorum Dei. Ad perpetuam rei memoriam.

Pontificis  
providentia  
in futurum  
tempus ex-  
tenditur.

Solemnitas  
CORPORIS  
CHRISTI va-  
cante Apo-  
stolica Sede  
plures oc-  
currat.

PASTORALIS sollicitudinis officium, quantum Nobis ex alto conceditur, omni ex parte implere fatigentes, non solum ea, quæ sub oculis nostris geruntur, opportunis legibus aptè ordinare atque dirigere studemus; verum etiam providentia nostra intuitum ad ea intendere non omittimus, quæ post expletum a Nobis hujuscem mortalis vita cursum, ubi Omnipotenti Deo, qui numeravit dies nostros, ita placuerit, aut fieri necessariò debere, aut evenire posse prospicimus.

J. 1. Sanè ex quo in hac Romana Urbe a prima fere estate diversis in gradibus commorari sumus, meminimus, non semel, sed iterum, ac tertio jam contigisse, ut, vacante, per obitum Romani Pontificis, Apostolica Sede, solemnitas CORPORIS CHRISTI recureret, in qua, ex pia Urbani Papa IV. Praedecessoris Nostrae institutione ac lege, & fructuosâ universa Catholica Ecclesia conuentudine, post exacta Paschatis & Pentecostes solemnia, vivisimum Eucharistie Sacramentum, continuata per diem Octavam celebritate, & publicis Supplicationibus a Christisidelibus percolitur. Cumque hujusmodi Supplicationibus, sive Processionibus, vivente Romano Pontifice, initium dicit illa & solemnior Supplicatio, quæ incipiens ab ipso Pontificiarum Aedilium Vaticani Saccello, praeventibus & subsequentibus omnibus tam Secularis, quam Regularis Cleri, Romanaque Curiae & Pontificiae Aula Officialium Ordinibus, per congruum viarum ambitum, ad Basilicam Principis Apostolorum procedit, ibique terminatur; vacante, ut prædictimus, Apostolica Sede, Nobisque, per mortem recolmem. Praedecessorum Nostrorum Benedicti Pa-

pæ XIII., & Clementis Papæ XII., intra Apostolicorum Comitorum septa commorantibus, quæ studiorum varietate, audiivimus agitari; an scilicet in eodem Vaticano, an vero in Lateranensi Patriarchio, solemnis illa, & generalis, de qua supra dicebamus, Supplicatio peragenda esset. Et quidem premissis in caibus, Nostris primùm oculis aspeximus, deinde etiam aliorum relatione audiivimus, præfata solemnitas celebratatem dupli Supplicatione inchoatam fuisse, quarum altera in Basilica S. Johannis in Laterano, altera vero simul eodem tempore in Basilica S. Petri in Vaticano habita fuit; Divisionem autem factam fuisse eorum, qui primæ hujusmodi generali Supplicationi interesse tenebantur; nonnullis videlicet ad unam, aliis vero ad alteram ex prædictis Basilicis accendentibus, prout vel ratione, vel imperio, vel etiam propria voluntate atque arbitrio adducti fuerunt.

J. 2. Quod cum Nostræ, & aliorum etiam complurium sententiâ, nec Ecclesiasticis regulis ac ritibus, nec pia Praedecessorum Nostrorum menti, consentaneum esse judicaverimus; neque vero abfque notabilis Divini Cultus immunitio, & Populi scandalo, reipsa fieri contigerit; Nos, cupientes tanta solemnitatis initia, communibus omnium ordinum studiis, eoque maximo cultus splendore, quo potissimum fidelium mentes ad debitum erga Divine bonitatis mysteria venerationis affectum excitantur, omni tempore concelebrari; Motu proprio, & ex certa scientia, post maturam deliberationem hac de re habitam, hanc in posterum præcepti Nostræ formam volumus esse perpetuam, quâ de Apostolica potestatis plenitudine statuimus atque mandamus, ut, sicut Sede plena de manâ Feria V. post Festum SANCTISSIMA TRINITATIS, unica Supplicatio, sive Processio Generalis SANCTISSIMI CORPORIS CHRISTI in Urbe peragi confuerit, ita cædum Apostolica Sede vacante, ubi Solemnitatem prædictam, anno vertente, celebrandam esse contingat, unica pariter in Urbe Generalis Processio habeatur, cum interventu omnium & singulorum, qui de cætero hujusmodi Supplicationi generali adesse tenentur; quorum nomina, & incendi ordino, aliis Nostris Apostolicis Literis hac ipsa die manu Nostra subscriptis distinctius expressâ reperiuntur.

J. 3. Dum autem pro hujusmodi generali Supplicatione Sede vacante, ut præfertur, habenda, congruum opportunumque locum diligere, & constitutere mente animoque versabam; illud Nos maximè permovit, quod animadvertisimus, in cæteris per Christianum Orbem Civitatibus, tempore Episcopalis Sedis vacantis, nihil mutari solere circa locum, aut Ecclesiam, in quo, seu qua, Episcopo vivente, quotannis præcipua hujusmodi Processio CORPORIS CHRISTI celebrari solet. Itaque quemadmodum in Urbe, Sede plena, Processio Generalis hujusmodi in Vaticano celebratur, quantumvis Pontifex in ejusdem Vaticani Aedibus actu non commoretur, sed in Quirinali Palatio degat, vel etiam eundem extra Urbem moram trahere contingat; ita nihil obstat centemus, quominus, etiam defuncto Pontifice, Processio Generalis die Festo CORPORIS CHRISTI in Vaticano pariter celebretur; quia potius id satis congruum & opportunum fore judicamus, habita ratione tum Vaticani Conclavis, in quo Collegium S. R. E. Cardinalium, ad maximum in Terris opus peragendum, tunc temporis permanet, tum frequentia Populi, qui hac de causa per eos dies ad Vaticanum confluunt.

Et quidem  
de more apud  
Basilicam  
S. Petri in  
Vaticano.

J. 4. In-

Cum divi-  
fione Pro-  
cessions ge-  
neralis, com-  
muniter im-  
probata.

Præscribitur  
celebratio  
unice Pro-  
cessions ge-  
neralis, uti  
mos est, Se-  
de plena.

§. 4. Inchoanda igitur erit prædicta Supplicatio generalis a Basilica Vaticana, ea hora, qua a Congregatione Cardinalium in Ordine Priorum indicetur. Et quidem Missa Sacrificium per eum, a quo Sanctissimum Eucharistia Sacramentum, ut infra, deferendum erit, ad Altare Cathedrae S. Petri celebrabitur. At quoniam plures cause obstant, quominus tempore Sedis vacantis amplior ille ambitus, atque splendidoriarum apparatus seruetur, qui, vivente Pontifice, sive is praesens sit, sive absens, observari consuevit; statuimus, prædictam Supplicationem per brevius illud iter procedere, eodemque apparatu perfici, quo jam alias, vacante Apostolica Sede, in eodem Vaticano factam fuisse constat; in ejus quoque regressu, volumus, omnes & singulos, qui in Procesione interfuerint, cum intortis accensis, intra eamdem Basilicam de more dispositos, usque ad extremum manere: ac demum, Sanctissimo Sacramento super Altare majus, Confessionis videlicet Principis Apostolorum, per manus Diaconi Episcopo adstantis collocato, & consuetus precibus devotè decantatis, ab ipso Episcopo celebrante trina benedictione cum eodem Sacramento super Populum data, angustam sanctamque celebritatem absolviri.

§. 5. Et quia prædicta Supplicatio, qua sic, ut præmisimus, Nostræ hujus Ordinationis vigore celebranda erit, nequaquam habenda est pro peculiari Procesione Basilica Vaticana; qua quidem Basilica propriam Supplicationem peragit in die Octava CORPIS CHRISTI; sed locum tenere debet generalis illius Supplicationis, quam, Sede plena, Romanus Pontifex celebrare solet, & in qua Sanctissimum Eucharistia Sacramentum ab ipso Pontifice, vel, eo impedito, ab antiquiore ex S. R. E. Cardinalibus deferatur; hinc est, quod, Sede Apostolica, ut præfertur, vacante, volumus, ut a Collegio prædictæ S. R. E. Cardinalium, hoc est a Congregatione trium Cardinalium in quolibet Ordine Priorum, & a Cardinali ejusdem S. R. E. Camerario, triduo ante Solemnitatem CORPIS CHRISTI, aliquis eligatur & deputetur, qui præsumit Augustissimum Sacramentum deferat; unus nimirum ex Patriarchis, sive Archiepiscopis, aut Episcopis in Romana Curia præsentibus, cui ministrare debebunt Sacri illi Ministri, qui in Cappellis Cardinalitatis Officio Diaconi & Subdiaconi sunt perpetuò additi.

§. 6. Acolyti pariter Cappella Pontificia, necnon ejusdem Cappelle Clerici, aliisque inferiores Ministri, in propriis Officiis ritè ministrabunt, sub directione eorum ex Pontificis Cœremoniarum Magistris supra numerum, qui, juxta Constitutionem a san. mem. Decessore Nostro Clemente Papa XII. de rebus Sede vacante peragendis editam, cum aliis ingredi Conclave non permituntur.

Item Cantores ejusdem Cappelle Pontificia Hymnos & Laudes de more concinantes, & Missa celebrationi intererunt, & totam Supplicationem in suo gradu & ordine prosequentur.

Umbellam vero seu Baldacchinum, iidem ferre suis respectivè vicibus deferent, qui, vivente Pontifice, ejusmodi decorantur prærogativâ. Ejusdemque Umbellæ latera, tam Officiales virginæ rubæ cum intortis, quam Servientes Armorum, sive Mazzerrii Papæ nuncupati, cum Mazziis argenteis, & Milites Helvetici cum suis Decurionibus atque Tribunis, militari ritu armati, claudent, & respectivè custodient.

Nullam verò peculiarem Crucem volumus elevari, sub qua tota Supplicatio incedat; sed propriam Crucem a singulis tam Sæcularis, quam Regularis Cleri, Capitulis, Ordinibus, sive Corporibus, ex quibus Procescio componitur, de more erectam deferri. Corfiores etiam Cardina-

lis pro tempore Urbis Vicarii, quemadmodum Sede plena mos est, totum Procescionis Ordinem dirigere mandamus.

§. 7. Sacra autem Vestes, necnon Ostensorium, Thuribulum, Candelabra, argentea Funalia, Umbella, seu Baldacchinum, & reliqua suppellex ad Sacram Functionem necessaria, ab Apostolico Sacrario, seu respectivè a Pontificia Floreria, subministrari debet. Cerei quoque, quotquot necessari erunt, sumptibus Cameræ Apostolicae provideri; ac demum Porticum Vaticanum, & reliqui ambitus apparatum, Apostolicarum ædiorum Aulæ, ut vivente Pontifice, moris est, & in reliquo, ejusdem Cameræ Apostolicae sumptibus, adornari præcipimus.

§. 8. Denique Pontificios Milites Urbanos per totum Procescionis iter dispositos de more adesse; eamdemque subsequi, & custodiare juberimus.

§. 9. Quapropter omnibus, ad quos spectat, & ad quos in casu pro tempore spectabit, committimus, & mandamus, ut quæcumque, ad Divini Cultus & Religionis incrementum ac decus, hac Nostra Constitutione statuimus & ordinavimus, singuli pro virili parte respectivè implant, & ab aliis impleri current. Specialiter autem Venerabilibus Fratribus Nostris Sanctæ Romanae Ecclesiæ Cardinalibus, iisque potissimum, qui pro tempore in quolibet Ordine Priores existent, una cum ejusdem Sanctæ Romanae Ecclesiæ Cardinali Camerario, injungimus, ut opportuna mandata atque præcepta, pro præmissorum omnium executione expediant. Itemque ejusdem Sanctæ Romanae Ecclesiæ Cardinalibus pro tempore Camerario, Vice-Cancellario, & Majori Penitentiario, ut omnes sibi respectivè Subditos Ministrros, & Officiales, eorumque Collegia, sive Ordines, qui hujusmodi Procesioni Generali de more adesse debent, sub consuetis præceptis & penis, adesse compellant; Ac demum Cardinali, qui pro tempore in Urbe, ejusque Districtu, Romani Pontificis Vicarius existet, ut omnes Cleri Sæcularis & Regularis Ordines, qui, vivente Pontifice, eidem pariter Supplicationi interesse solent, Collegia, Capitula, etiam Basilicarum Patriarchalium, & Collegiarum etiam insignium, aliosque omnes etiam necessariò exprimendos, sub consuetis pariter præceptis, ac penis, auctoritate sibi a Nobis in perpetuum harum nomine delegata, jubeat interesse.

§. 10. Has enim Nostras Literas, & in eis contenta quæcumque, perpetuò firma, & effigie exstiterit volumus, usque plenarios & integratos effectus sortiri & obtinere, atque ab omnibus, ad quos spectat, & pro tempore quomodocumque spectabit, plenissimè observari; Sublata omnibus & quibuscumque, etiam Sanctæ Romanae Ecclesiæ Cardinalibus prædictis, eorumque Collegio, & Ordinum respectivè Prioribus, & Sanctæ Romanae Ecclesiæ Camerario, alter decernendi & statuendi facultate; & non obstantibus, si qua in contrarium facientes adesse dicantur, Apostolicis Constitutionibus & Ordinationibus quibuscumque; Necnon quacumque Ecclesiarum, Basilicarum, etiam Patriarchalium, & Collegiarum insignium, & quorumvis Ordinum, Congregationum, Institutorum, Collegiorum, Communitatum, ipsiusque Cleri Urbis, & Personarum singularium, etiam juramento, confirmatione Apostolica, & quavis alia firmitate roboratis Privilegiis, Statutis, Constitutionibus, usibus, & consuetudinibus, etiam immemorabilibus, etiamque de iis, eorumque respectivè tenoribus expressa & individua mentio habenda foret; quibus omnibus & singulis, alias in suo robore permanentibus, hac vice dumtaxat, ad præmissum effectum, plenissimè & amplissimè motu

Exequitio  
generalitet  
injungitur

Clavisule  
præservati-  
vae & dero-  
gatorix.

Sanctio pœnalis.

Dat. die 16.  
Febr. 1745.

pari derogamus, & derogatum esse volumus, ceterisque contrariis quibuscumque.  
**S. II.** Nulli ergo Hominum licet paginam hanc Nostrarum Constitutionis, Ordinationis, voluntatis, & derogationis infringere, vel ei auſu temerario contraire. Si quis autem hoc attentare præsumperit, indignationem Omnipotens Dei, & Beatorum Petri & Pauli Apostolorum ejus se noverit incursum.

Datum Romæ apud Sanctam Mariam Majorem Anno Incarnationis Dominicae millesimo septingentesimo quadragesimo quinto, quartodecimo Kalendas Martii, Pontificatus Nostrorum Anno Quinto.

**D. Card. Passioneus.****J. Datarius.****VISA DE CURIA.****J. C. Boschi.****J. B. Eugenius.****Registrata in Secretaria Brevium.**

**Schedula Motus proprii**, de qua fit mentio in Constitutione.

**BENEDICTUS PAPA XIV.****Motu proprio &c.**

**O**MNIBUS & singulis Officialibus Romanæ Curiae, qui alias juxta antiquum ejusdem Curia morem, & ritum, in generali Pontificia Procesione Sanctissimi CORPUS CHRISTI cum albis intortitiis, Apostolica Sede plena, interesse solent ac debent, quoties Procescionis celebritatem hujusmodi, tempore prædictæ Sedis Vacantis, occurrere contigerit, quemadmodum illius tunc peragendæ formam Apostolicis nostris Literis hac ipso die sub Plumbo datis in perpetuum præscriptimus, ita præsentis nostri Motus proprii &c. Schedula districte precipientio mandamus, ut ipsi pro eorum debito & digna erga tantum Sacramentum veneratione, celerique & tranquilla actus hujusmodi expeditione, sub pena privationis a perceptione emolumentorum ratione suorum respective Officialium per duos continuos menses ex tunc proximè futuros eis obvenientium, alijque arbitrio tunc existentium S. Romana Ecclesiæ Cardinalium, quibus dictarum Literarum nostrarum executio nem injinximus, in contrafacentes infingendis, in eadem Procesione ordine infra assignando, absque ulla contradictione aut replicatione, vel interpellatione incedere debeant. Nos etenim eisdem Officialibus, atque omnibus & singulis eorum Ordinibus, ac Collegiis quibuslibet, super questionibus & controversiis quoad procedendi Ordinem, silentium imponimus, donec aliter a Nobis aut Successoribus nostris Romanis Pontificibus, vel competentibus Judicibus, definitum fuerit in Judicio petitorio, quod eis earundem tenore præsentium refervamus.

Officiales autem Camerae, Cancelleria, & Pœnitentiariæ Apostolicarum, quibus consuetum in eadem Procesione locum præservamus, volumus eodem incedere Ordine, quo descripti reperiuntur in Rotulo a Nobis sub initio, & quolibet Pontificatus Nostrum anno subscribi solito, seu in aliis Rotulis a Romanis Pontificibus Successoribus nostris pro tempore subscrivendis: Quorum Rotulorum seriem, & ordinem, ne vacante Apostolica Sede prædicta, de eorum vigore, & subsistencia hastari contingat, ad præmissorum effectum tantum, ex nunc, prout ex tunc, & è contra confirmamus, & approbamus; Ac, quandocumque casus obvenerit, hujusmodi

Ordinem seu seriem Rotuli ultimo loco a Romano Pontifice tunc proximè defuncto subscripti, illiusque integrum tenorem, ante ipsum Præcessionis prædictæ initium per unum ex Pontificis Cursoribus de more legi, & recitari præcipimus. Quo verò ad alias Personas, de quibus in dictis Literis meminimus, eorum nomina, Officia, & incendi Ordinem, ut infra, præscribimus, videlicet:

Præcedentibus Alumnis Hospitii Apostolici, & Orphanotrophii; tum Ordinibus Regularium, Parochiis Ecclesiæ Urbis cum Stolis, Clero, atque Capitulis Ecclesiæ etiam Collegiatum Insignium, & Basilicarum etiam Patriarchalium, ordine suo.

Officiales Cancellariae Apostolicæ, necnon Cameræ, Pœnitentiariæ, aliqui in consueto Rotulo descripti, juxta Ordinem ibi adnotatum.

**Cantores Papæ.****Gubernator Conclavis** } Simul.**Gubernator Urbis** }

Ambo cum Rocchetto & Mantelletta nigra, & cum intortitiis, quæ ab aliquo ex ipsorum Familiariis Nobilibus deferri poterunt.

Duo Acolyti cum Funalibus argenteis.

Duo alii Acolyti cum Candelabris.

Acolythus cum Navicula.

Acolyti duo cum duobus thuribulis.

Duodecim ex Officialibus virgæ rubæ cum intortitiis a lateribus.

Servientes Armorum a lateribus.

Item a lateribus Milites Helvetici cum suis Tribunis.

Antistes deferens Sanctissimum Sacramentum cum Diacono &amp; Subdiacono sub Baldacchino.

Duo alii Acolyti cum Funalibus argenteis. Minifter de Mitra.

Auditor Cameræ

Thesaurarius Generalis } Simul.

Patriarchæ.

Archiepiscopi.

Episcopi,

juxta eorum gradum, &amp; respectivam antianitatem, nulla ratione habita absentia Solio Papæ.

Prothonotarii Apostolici Participantem tam de numero, quam supra numerum, aliqui in eorum Scanno locum habentes.

Abbates habentes locum in Cappella.

Generales Ordinum habentes locum, ut supra.

Auditores Rotæ, cum Magistro Sacri Palatii.

Clerici Cameræ, ejusdemque Praeses.

Referendarii Votantes Signaturæ Justitiae, cum ejusdem Auditore.

Abbreviatores de Parco majori.

Advocati Consistoriales, cum Procuratore Fiscali, &amp; Commissario Cameræ.

Procuratores Ordinum.

Referendarii Baldacchinum deferent ab Altari Cathedra S. Petri usque ad Portam Basilicæ. Officiales Collegii S. Petri a Porta Basilicæ usque ad Catenam Palatii.

Magistri Viarum, aliqui ejusdem Officii Ministri, a Catena ad finem Peristylii.

Officiales Collegii S. Pauli ab una ad alteram extremitatem Peristylii.

Natio Florentinorum per aliud Brachium Peristylii usque ad Portam Ferream.

Natio Senensem a Porta Ferrea usque ad Altare Confessionis S. Petri.

Servientes Armorum, & Cursores Cardinalis Vicarii cum suis Mazii totam Proceszionem custodiunt, & hortentur ad procedendum, & non permittant sub finem aliquos exire cum intortitiis, nec ea extinguere, nisi data per Antistitem Benedictione super Populum cum Sanctissimo Sacramento.

Milium Urbanorum turmæ Processionem

sequuntur

sequantur atque custodiant, & sicut solitariae mortarium explosiones in consuetis locis.

Quocirca Gubernatori Conclavis, & Gubernatori Urbis, ejusdemque Urbis Vicegerenti tunc & pro tempore existentibus, per easdem praesentes committimus & mandamus, ut in consuetis respectivis locis adstantes, necnon aliis Ceremoniarum Apostolicarum Magistris Supranumerum, qui etiam tunc & pro tempore extra Conclave existent, ut, pro coram Officii debito, praesentis Mandati nostri schedulam, & in eis contenta quacumque, singuli pro virili parte exequi & observari faciant: Notariis quoque Cameræ Apostolicae, ut prædictis Conclavis & Urbis Gubernatori, ac Vicegerenti affiant, describentes nomina singulorum contumacium & inobedientium, quos premisis, & gravioribus etiam pro excessum qualitate pœnis puniri & mulctari volumus. Praesentes quoque, & desuper si videbitur expedientes Literas, semper validas, & efficaces fore & esse, suosque plenarios & integros effectus fortiri, & obtinere, & ab omnibus, ad quos quomodolibet spectat, & spectabit in futurum, inviolabiliiter observari; sive & non alias per quoscumque Judices &c. etiam prædictis S. R. E. Cardinales, sublata &c. judicari &c. debere, irritumque &c. attentari. Non obstantibus, quatenus opus sit, Nostra & Cancillariae prædictæ Regula de jure quæsio non tollendo, & privilegiis, ac indultis, & Literis Apostolicis, Collegiis prædictis, eorumque singularibus Personis, etiam in limine eorumdem Collegiorum erectionis, concessis, ceterisque Constitutionibus & Ordinationibus Apostolicis, ac prædicatorum Collegiorum etiam juramento &c. roboratis statutis &c. ceterisque contrariis quibuscumque; cum clausulis opportunis.

### Fiat motu proprio P.

**E**T quod dictæ Regulae, necnon Priviligeriorum, & Indulctorum prædicatorum quomodolibet concessorum tenores etiam veriores, ac Datae, habentur pro expressis, seu in toto, vel parte exprimi possint in Literis etiam per viam de Curia, si videbitur, expedien. Et de perpetuis mandato, commissione, derogatione, voluntate, aliisque præmissis, ut supra in dictis Literis latissime extenden. Volumus autem, quod sola præsentis nostri Motus proprii Schedulae Signatura sufficiat, & illius quoque exempla, seu transumpta, etiam impressa, manu alicuius Notarii publici subscripta, & persona in Ecclesiastica dignitate constituta Sigillo munita, ubique fidem faciant in iudicio, & extra illud: Regula quacumque contraria non obstante.

Datum Roma apud Sanctam Mariam Majorem quartodecimo Kalendas Martii Anno Quinto.  
Publicata die 18. Martii ejusdem anni.

CXXIII.

Jubilæum pro Italia, & Insulis adjacentibus, extenditur ad Regnum Galliarum.

### B E N E D I C T U S P A P A X I V.

*Universis Christifidelibus presentes Literas inspecturis, salutem, & Apostolicam Benedictionem.*

Exordium.

CUM multorum charitate refrigercente ita saepe malitia hominum abundat, ut in da-

rissima nos incidentes tempora, maximis laborem periculis; omnia utriusque legis instituta, Prophetarum, & Apostolorum exemplis firmata, satis superque testantur, unum nobis, idque tutissimum paratum esse perfugium in precipibus, & jejuniis, quibus Dei misericordiam slectere atque implorare satagimus. Hinc est, quod Italia populis ejusque Insulis adjacentibus tot calamitatibus divexatis hoc præsens Jubilæum indiximus, & ad magnam Divini auxilii spem omnes erexitus.

*§. 1. B E N E D I C T U S PP. XIV. In Suprema Catholice Ecclesia administratione &c. ut supra Pag. 254.*

§. 2. Hos ergo Divina misericordia uberrimos fontes in Gallia quoque Regnum, ejusque Provincias, nobis cura est derivare, ob id præcipue, ut ibi ab omnibus, qui harum celestium largitionum participes fieri volunt, præter oneera a Nobis præscripta, gratia omnino habentur quam maxima Omnipotenti Deo, cuius unius beneficio Carissimus Nostrus in Christo Filius Ludovicus Rex Christianissimus à gravissimo & deplorate morbo nuper convalescit. Omnes igitur Galliarum cœtus pro Principis salute & imperii diuturnitate vota nuncupaturi, toti se se in preces effundant, ut, qui solus est dominium Dominus, dies super dies Regis adjiciat, & cor eius in manu tenens, faciat, ut ambulans in præceptis eius, semper speret in Domino, & in misericordia Altissimi non commoveatur.

§. 3. Ut autem præsentes Nostra, quæ ad singula loca deferri non possunt, ad omnium notitiam faciliter deveniant, volumus ut earumdem præsentium transumptis, seu exemplis, etiam impressis, manu alicuius Notarii publici subscriptis, & sigillo persona in Ecclesiastica Dignitate constituta munitis, eadem pro rata fides habeatur, quæ haberetur ipsis præsentibus, si forent exhibite, vel ostensæ.

Datum Romæ, apud Sanctam Mariam Majorem, sub Annulo Piscatoris die XVII. Februario MDCCXLV. Pontificatus Nostri Anno Quinto.

### D. Cardinalis Passioneus.

De Jubilæi Concessione pro Regno Galliarum; a cuius Indulgentia beneficio excluduntur Refractarii.

*Carissimo in Christo Filio Nostro Ludovico Galliarum Regi Christianissimo.*

### B E N E D I C T U S P A P A X I V.

*Carissime in Christo Fili Nostro, salutem, & Apostolicam Benedictionem.*

**N**ULLIS verbis explicare satis possumus voluntatem singularem, quam Nobis attulerunt Literæ Majestatis tuae die 24. Januarii ad Nos scriptæ, ex quibus confilia deprehendimus ad pacem Europæ conciliandam aptissima, quam Nos quidem unicè atque ardentissime exoptamus: Itaque Majestati tua gratas agimus maximas, simulque adjungimus, id Nobis iniustitiam, aut novum minimè contingere: Quippe regalem indolem, animique tui præclaros sensus jampridem cognitos habemus, ex quibus etiam facile conjectimus, Dei beneficio Majestatem tuam ex gravissimo morbo relevaramus, & prospera nunc uti valetudine, ut tanquam Angelus pacis diffidia componeret, ac populis redderet tranquillitatem.

*Extemplo Ju-  
bilai ad Gal-  
lie Regum,  
adjecto one-  
re orandi  
pro Rege.*

*Auctoritas  
Tranlumpbris  
tributa.*

Dat. die 18.  
Febr. 1744.

CXXIV.

*Pontifex  
confilia pacis  
in Rege lau-  
dat & loves.*

*§. 1. Illud*